



Akciji CD još se ne nazire kraj

Predao se pripadnik klana Elvise Salčinovića

Kenan Frndić imao ulogu da transportira ženu u Francusku i novac iz Francuske u BiH • Imovinu zbog brojnih prekršaja prebacivali na ime supruge

U Sudu Bosne i Hercegovine jučer je održano ročište za razmatranje prijedloga o određivanju pritvora Kenanu Frndiću iz Zenice, članu klana Elvise Salčinovića, koji je nedavno uhapšen u akciji kodnog naziva CD, koju su izveli pripadnici Državne agencije za istragu i zaštitu (SIPA), zbog sumnje da je godinama organizirao trgovinu, iskorištavanje i seksualno zlostavljanje, uglavnom maloljetnih ženskih osoba romske nacionalnosti, koje su tjerali na prosjačenje i džeparenje u Francuskoj.

Transport novca

Frndić, koji se prekjucher dobrovoljno predao, u pratnji svog advokata Mladena Veseljaka, pripadnicima SIPA-e, osumnjičen je da je počinio krivična djela trgovina ljudima, falsificiranje isprava i davanje mita.

Tužiteljica Diana Kajmaković pritiyor je zatražila zbog sumnje da bi boravkom na slobodi mogao utjecati na svjedoke, skriti ili ukloniti dokaze, zbog bojazni da bi ponovio krivično djelo te zbog činjenice da je ranije osuđivan.

Advokat Veseljak je naglasio činjenicu da se njegov branjenik dobrovoljno predao policiji, ali i da ima suprugu i dvoje djece. U poslijepodnevnim satima Frndiću je određen pritiyor.

Salčinoviću i njegovim sinovima Denisu i Toniju te



Pripadnici SIPA-e ispred kuće Elvise Salčinovića

Luki Hrustiću, koji su ranije uhapšeni, određen je prekjucher jednomjesečni pritiyor. Tužiteljica Kajmaković je kazala da je uloga Frndića bila jasna i hijerarhijski postavljena.

Presretanjem telekomunikacija došlo se do zaključka da je Frndić imao ulogu da transportira ženske osobe. To je obavljao, najčešće, unajmljenim vozilom, a nekada svojim. Ukoliko bi transport obavio svojim vozilom, po povratku bi ga prodavao. Njegova supruga, koja je saslušana, primila je novac preko "Western Uniona". Interesantno je da osobe koje su slale no-

vac nisu koristile svoje ime - kazala je Kajmaković.

Ona je nadalje otkrila da je Frndić, ali i ostali članovi skupine, s obzirom na to da su imali više prekršaja od ranije, vozila, među kojima je bio i skupocjeni Porsche, stavljali na suprugino ime. Osim transporta žena, Frndić je bio zadužen i za transport novca.

Njemu i saučesnicima je bila poznata činjenica da, prema zakoni Evropske unije, ali Francuske, čija je i ona članica, ne može prenijeti više od 10.000 eura. Frndić i još dvije osobe

bili su jednom upraćeni na jugu Francuske. Svi su imali manji iznos od dozvoljenog, što znači da su znali šta rade - pojasnila je tužiteljica Kajmaković.

U iscrpnom izlaganju tužiteljica Kajmaković je navela i neke šokantne informacije.

Prijetnje ženama

Članovi kriminalne grupe putem telefona prijetili su ženama u Francuskoj. Prijetili su da se više nikad neće vratiti u BiH, pa do toga da više neće vidjeti svoju djecu. Znali su prijetiti da će, ukoliko im ne pošalju 10.000 eura, morati duže ostati u Francuskoj - istakla je Kajmaković. **A.KAPO**



KAJMAKOVIĆ:
Uskoro slijedi
finansijska istraga



SALČINOVIĆ:
Vođa klana